

O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 2472-1
2018 yil 12 may



**ЎЗБЕКИСТОН RESPUBLIKASI SOĞLIQNI SAQLASH VAZIRLIGI
ЎЗБЕКИСТОН RESPUBLIKASI ICHKI ISHLAR VAZIRLIGINING
ҚАРОРИ**

Ҳайдовчи ва ҳайдовчиликка номзодларни транспорт воситаларини бошқаришга яроқлилигини текшириш учун тиббий кўриқдан ўтказиш тартиби тўғрисидаги низомга ўзгартириш ва қўшимчалар киритиш ҳақида

Ўзбекистон Республикаси Президентининг 2017 йил 1 декабрдаги ПФ-5270-сон “Ногиронлиги бўлган шахсларни давлат томонидан қўллаб-қувватлаш тизимини тубдан такомиллаштириш чора-тадбирлари тўғрисида”ги Фармони ҳамда Ўзбекистон Республикаси Вазирлар Маҳкамасининг 2018 йил 7 мартдаги 183-сон “Ногиронлиги бўлган шахсларнинг автотранспорт воситаларидан фойдаланиши учун қулай шарт-шароитлар яратиш чора-тадбирлари тўғрисида”ги қарорига мувофиқ Ўзбекистон Республикаси Соғлиқни сақлаш вазирлиги ва Ички ишлар вазирлиги **қарор қилади:**

1. Ўзбекистон Республикаси Соғлиқни сақлаш вазирлиги ва Ички ишлар вазирлигининг 2013 йил 11 июндаги 16 ва 14-сон қарори (рўйхат рақами 2472, 2013 йил 27 июнь) (Ўзбекистон Республикаси қонун ҳужжатлари тўплами, 2013 й., 26-сон, 343-модда) билан тасдиқланган Ҳайдовчи ва ҳайдовчиликка номзодларни транспорт воситаларини бошқаришга яроқлилигини текшириш учун тиббий кўриқдан ўтказиш тартиби тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

Соғлиқни сақлаш вазирлиги



Тошкент ш.
2018 йил 25 апрель
32 -сон

А. Шадманов

Ички ишлар вазирлиги



Тошкент ш.
2018 йил 25 апрель
32 -сон

П. Бобожонов

Ўзбекистон Республикаси Соғлиқни сақлаш
вазирлиги ва Ички ишлар вазирлигининг
2018 йил 25 апрелдаги 23, 32-сон қарорига
ИЛОВА

**Ҳайдовчи ва ҳайдовчиликка номзодларни транспорт воситаларини
бошқаришга яроқлилигини текшириш учун тиббий кўриқдан ўтказиш
тартиби тўғрисидаги низомга киритилаётган
ўзгартириш ва қўшимчалар**

1. 5-банд қуйидаги мазмундаги хатбоши билан тўлдирилсин:

“Ногиронлиги бўлган шахсларни махсус ускуналар билан қайта жиҳозланган ва автомат узатгичли енгил транспорт воситаларини бошқаришга яроқлилигини аниқлаш учун дастлабки ва даврий тиббий кўриқдан ўтказиш тиббий меҳнат эксперт комиссиялари (бундан буён матнда ТМЭК деб юритилади) томонидан бепул амалга оширилади.”.

2. 10-банддан “ҳамда Ўзбекистон Республикаси Вазирлар Маҳкамасининг 2003 йил 31 январдаги 54-сон қарори (Ўзбекистон Республикаси қонун ҳужжатлари тўплами, 2003 й., 1-2-сон, 17-модда) билан тасдиқланган Транспорт воситаларини мажбурий техник кўриқдан ўтказиш тартиби тўғрисидаги низомнинг талаблари асосида транспорт воситасини мажбурий техник кўриқдан ўтказиш жараёнида ҳайдовчилар” деган сўзлар чиқариб ташлансин.

3. 25-банд учинчи хатбошиси қуйидаги тахрирда баён этилсин:

“протез бандлик ва меҳнат муносабатлари органлари протез устахоналарида назорат кўригидан ўтганлиги тўғрисидаги маълумотнома асосида (махсус ускуналар билан қайта жиҳозланган (кўл билан бошқариладиган) ва автомат узатгичли енгил транспорт воситаларини бошқаришга руҳсат этилаётган чап оёғи тўлиқ ёки қисман ампутация қилинган шахсларга).”.

4. Қуйидаги мазмундаги 2¹-боб билан тўлдирилсин:

**“2¹-боб. Ногиронлиги бўлган шахсларни махсус ускуналар билан
қайта жиҳозланган ва автомат узатгичли енгил транспорт воситаларини
бошқариш учун тиббий кўриқдан ўтказиш**

27¹. Ногиронлиги бўлган шахслар махсус ускуналар билан қайта жиҳозланган ва автомат узатгичли енгил транспорт воситаларини бошқаришга яроқли эканликларини аниқлаш учун ариза билан турар жойдаги ТМЭКга мурожаат қилади.

27². Ногиронлиги бўлган шахсларни ТМЭКда тиббий кўриқдан ўтказиш муддати 3 календарь кунидан ошмаслиги керак. Тиббий кўриқдан ўтказиш муддати мураккаб, қўшимча тиббий кўриқ талаб этилганда ТМЭК раиси томонидан, асосланган ҳолда, 14 календарь кунига узайтирилиши мумкин.

27³. ТМЭК томонидан тиббий кўриқдан ўтказиш натижаларига кўра унинг раиси ва аъзолари томонидан имзоланадиган хулоса расмийлаштирилади.



27⁴. Ногиронлиги бўлган ҳайдовчилар ва ҳайдовчиликка номзодлар тиббий кўриқдан ўтиш учун ушбу Низомнинг 11 – бандида белгиланган хужжатларга ногиронликни белгиловчи ТМЭК хулосасини илова қилган ҳолда умумий асосларда тиббий комиссияга мурожаат қиладилар.

Бунда тиббий комиссия томонидан ногиронлиги бўлган шахсга 083х шаклидаги тиббий маълумотнома фақат “В” тоифасидаги шахсий транспорт воситасини бошқаришга яроқли ёки яроқсиз деб берилади.

27⁵. Қуйидагилар махсус ускуналар билан қайта жиҳозланган (қўл билан бошқариладиган) узатгичли енгил транспорт воситасини бошқаришга тиббий кўрсатма ҳисобланади:

ҳаракатнинг ифодаланган чегараланишига сабаб бўладиган оёқ қафт деформацияси;

оёқнинг 7 см ва ундан ортиқроқ калталиги;

бир ёки иккала сон суягининг ампутацион чўлтоқлиги, чўлтоқлик қайси қисмдан бўлиши ва протезлаш имкониятидан қатъий назар;

бир ёки иккала оёқ болдир соҳасининг ампутацион чўлтоқлиги;

бир томонлама сон ёки болдир қисми чўлтоғи, иккинчи оёқнинг ҳаракат ёки статик фаолиятининг ифодаланган даражадаги бузилиши билан (оёқ панжасининг ампутацион чўлтоқлиги, деформацияси, қон томир касалликлари, йирик периферик нервларнинг шикастланиши ва бошқалар);

юриш, ўтириш фаолиятининг бузилишига олиб келувчи умуртқа поғонаси, тос ёки иккала оёқларнинг турғун деформацияси ёки касалликлари (оёқларнинг анкилозловчи полиартрити, оғир даражадаги кифосколиоз ва спондилити, псевдоартроз, эндартерит II ва III даражаси, филоёқлилиқ ва бошқалар);

ўтириш ҳолати сақланган пастки оёқларнинг парези ёки фалажлиги;

чап оёқ қон томир ва нерв толаларининг шикастланиши, ифодаланган трофик бузилишлари билан.

27⁶. Қуйидагилар автоматик трансмиссия воситаси ёрдамида транспорт воситасини бошқаришга тиббий кўрсатма ҳисобланади:

чап қўл ёки қафтнинг йўқлиги;

чап оёқ ёки оёқ панжасининг йўқлиги;

қафт ёки чап оёқ панжасининг деформацияси, ҳаракатнинг ифодаланган бузилишлари билан;

чап сон ёки болдир чўлтоқлиги, бир вақтнинг ўзида чап қўлнинг йўқлиги;

ўнг қафт бармоқ ёки фалангаларининг йўқлиги, шунингдек, фалангалараро бўғимларнинг ҳаракатсизлиги (бош бармоқнинг 2 та фалангаси йўқлиги, бош бармоқ сақланган ҳолда, ўнг қўлнинг иккита ва ундан ортиқ бармоқларининг йўқлиги ёки ҳаракатсизлиги, ёхуд битта бармоқнинг келтирувчи функциясининг йўқлиги);

мустақил ҳаракатланиш лаёқатининг I ва II даражали бузилиши билан кечувчи чап томонлама гемипарез.”.

5. Мазкур ўзгартириш ва қўшимчалар Ўзбекистон Республикаси Бандлик ва меҳнат муносабатлари вазирлиги ва Ўзбекистон қасаба уюшмалари Федерацияси Кенгаши билан келишилган.

Бандлик ва меҳнат
муносабатлари вазири
2018 йил _____



Shantal

Ш.Кудбиев

Ўзбекистон қасаба уюшмалари
Федерацияси Кенгаши раиси
2018 йил _____



Рафиков

К. Рафиков

